



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Generalibus Principiis Amoris Et Morum - Prolegomena septem,
Librosque undecim complectens

**Henricus, de Sancto Ignatio
Leodii, 1709**

Caput I. Peccati definitio.

[urn:nbn:de:hbz:466:1-73187](#)

sum, nisi ex voluntate, quā volumus ut bene sit nobis, vel nolumus ut male sit nobis. Ergo mendacium est, quod, cūm fiat ut bene sit nobis, hinc potius male est nobis; vel cūm fiat ut melius sit nobis, hinc potius peius est nobis. Eo ipso proinde creatura pernicioſa est amatori, quo preponitur Creatori. In Psal. 79. Et, ut idem ait epist. 120. nunc 140. cap. 2. Non

efficit anima, perverse utens creaturis, ut ordinationem effugiat Creatoris: quoniam si illa male uitetur bonis; ille bene uitetur etiam malis. Ac per hoc illa perverse bonis utendo fit mala: ille ordinatē etiam malis utendo, permanet bonus. Qui enim iuſtē se ordinat in peccatis, iuste ordinatur in peccatis.

P A R S I.
De peccatis in genere.

D E peccatis agit Theologia nostra Sanctorum, sicut medicina de venenis; non ut illa doceat, sed ut curet. Frustrā namque se profitetur cordis medicum, qui peccata non novit, vulnera animorum. Sit itaque

C A P U T P R I M U M.

Peccati definitio.

¹ P Ecclatum rectissimè definit Augustinus: *Dictum, factum, vel concupitum contra legem Dei aeternam, 22. contra Faust. 27.* Hæc quippe definitio, utpote complectens peccata oris, cordis, operis, complectitur omnia peccata (que ad aliquod istorum reducuntur) optimè declarat essentiam peccati, per contrarietatem ad legem Dei aeternam.

² Imprimis definitio illa complectitur tam peccatum veniale, quam mortale. Tametsi enim peccatum veniale non sit contra finem legis, pro quanto non deſtruit charitatem habitualem, nec gratiam sanctificantem, nec amicitiam cum Deo, quæ finis est & scopus omnis legis; atque hoc sensu S. Thomas plerumque dicat, peccatum veniale non esse *contra*, sed *præter* legem: verè tamen est contra inhibitionem legis, & hoc sensu verè contra legem. Siquidem lex non furandi v. g. non tantum inhibet furtum unius vel plurium floriferorum, verū etiam unius vel paucorum affuum. Lex quoque non mentiendi, non solūm inhibit mendacium pernicioſum & grave, verū etiam jocosum & leve. Et sic de aliis.

³ Facillimè etiam definitio illa adaptatur peccato omissionis: affirmatio quippe & negotio reducuntur ad idem genus (ait S. Thomas) sive ad factum contra legem aeternam, reducitur non factum; ad dictum, non dictum, &c. sive omissione facti & dicti lege aeternā præcepti.

⁴ Denique eadem definitione illa etiam peccata comprehenduntur, quæ contra legem humanam sive Ecclesiasticam, sive civilem committuntur. Quæcumque enim contra legem humanam sunt, sunt contra legem aeternam, per quam humanæ leges vim habent obligandi; per quam etiam præscribitur, obediendum omni superiori legitime precipienti.

⁵ Sed & optimè eā definitione declaratur na-

tura seu essentia peccati in universum; ut enim S. Thomas 1. 2. q. 71. a. 6. peccatum nihil aliud est, quā actus humanus malus.... Habet autem actus humanus, quod sit malus, ex eo quod caret debita commensurazione. Omnis autem commensuratio cuiuscumque rei attenditur per comparationem ad aliquam regulam, à qua se divertat, incommensurata erit. Regula autem prima voluntatis humana.... est lex aeterna.

De ratione itaque peccati usque adeò est quod sit contra legem aeternam, ut omne peccatum ideo peccatum sit, quia lege aeternâ prohibitum, juxta illud S. Thomæ ibidem ad 4. Cū dicitur quod non omne peccatum ideo est malum, quia est prohibitum: intelligitur de prohibitione facta per jus positivum. Si autem referatur ad jus naturale, quod continetur primo quidem in lege aeterna, secundariò verò in naturali iudicatorio rationis humana, tunc omne peccatum ideo est malum, quia prohibitum. Et

Probatur 1°. ex Psal. 118. *Prævaricantes & reputavi omnes peccatores terra.* At vero ubi non est lex, nec prævaricatio. Rom. 4.

2°. ex Augustino serm. 25. in Psal. citatum: *Si prævaricatores sunt omnes peccatores terra, nullum utique est sine prævaricatione peccatum.* Nulla est autem prævaricatio sine lege. Nullum est igitur sine lege peccatum. Et lib. 2. de peccato merito, cap. 16. *Negque peccatum erit si quid erit, si non divinitus jubeatur ut non sit.* Et lib. 1. de lib. arb. c. 3. *Nihil est malum, nisi prohibitum lege aeterna.*

3°. ratione: quia omne peccatum essentialiter est contra debitum, seu obligationem. Sed omnis obligatio est ex lege vel præcepto. Nec esse potest ex sola lege humana independenter à divina; cūm omnis alia lex essentialiter ab ea pendeat, tanquam à prima lege. Et sicut nulla creatura vim habet effendi, nisi derivatam à primo esse; sic nulla lex creatra vim habet obligandi, nisi derivatam à prima lege, quæ fons est & principium omnis legis, omnis iuris, omnisque debiti & obligationis; sicut primi esse fons est & principium omnis esse, omnisque virtutis & operationis. Unde sicut si per impossibile primum esse non esset, nulla creatura esset; ita si per impossibile lex prima non esset, nulla alia lex esset, nullum jus, nullum debitum, nulla

obligatio, nullus ordo, sed chaos & confusio. A quo enim oriatur jus naturale v. g. certè non à sola natura rationali creata: utpote qua tota, & secundum totam collectionem individualium suorum, naturali juri subjicitur. Necesse est autem jus & debitum, sicut & legem, ori ab aliquo superiori: cùm nec æqualis æquali, nec idem sibi ipsi (independenter à potestate superiori) possit imponere legem, ut haberet L. penult. ff. de recept. *Nemo imperare sibi, neque se prohibere quisquam potest.* Et idèo verbum in imperativo non habet primam personam, ait Glossa ibidem. Sed & si prima lex non esset, nulla humana potestas esset, nullaque proinde humana lex, sive Ecclesiastica, sive civilis. Ideoque Proverb. 8. Sapientia increata dicit: *Per me Reges regnant, & legum Conditoris iusta decernunt.*

9. Nec obstat illud Rom. 2. *Qui sine lege peccaverunt, sine lege peribunt.* Ibi namque sermo est de lege scripta; sine qua peccari potest; sed non sine lege æterna.

10. Non obstat etiam propositio 48. ab Innocentio XI. damnata: *Tam clarum videatur, fornicationem secundum se nullam involvere malitiam, & solum esse malam, quia interdicta, ut contrarium omnino rationi dissonum esse videatur.* Eatenus quippe damnata est, quatenus significat, fornicationem non esse malam, quia prohibita est jure naturali, immutabili, & æterno; sed jure positivo, arbitrario & temporali dumtaxat.

C A P U T II.

Multiplex peccati divisio.

11. *P*eccatum dividitur 1°. in originale & personale. *Originale* est quod ab ortu nobis congenitum est, nec propriâ voluntate contractum, sed voluntate primi parentis commissum, in nos per carnalem generationem derivatur. *Personale* est quod propriâ voluntate peccantis committitur.

12. 2°. in actuale & habituale. *Actuale* est peccatum, cuius voluntas actu vel virtute perseverat. *Habituale* est macula ex peccato actuали relicta in anima, postquam voluntas illius tam actu quam virtute esse desit.

13. 3°. in mortale & veniale. *Mortale* est quod infert animæ mortem, id est privationem gratiæ sanctificantis, dissolutionemque amicitiæ cum Deo, quæ est vita animæ, sicut anima est vita corporis. *Veniale* est quod non infert mortem animæ, sed divinam compatitur amicitiam, idèque veniam facile consequitur, licet Deo dispiceat, sicut contra præscriptum legis ipsius. Ita cum S. Thoma I. 2. q. 88. a. 2. Theologi passim; id colligentes ex Augustino lib. 21. Civit. c. ult. & Ambrofio I. de Paradiso c. 1. aliisque Patribus.

14. Et declaratur à simili, quia contingunt inter amicos tales offendæ, quibus omnino dissolvitur amicitia, v. g. atrocæ injuria. Con-

tingunt & aliae offendæ, amico displicentes quidem, non tamen usque ad amicitia dissolutionem, sed quas amici, salvâ amicitia, tolerare solent, licet non sine diminutione feroris, quo se invicem alioqui amarent.

4. in peccatum commissionis & omissionis. Illud est, quo transgredimur præceptum negativum, faciendo quod prohibetur: istud, quo transgredimur affirmativum, non faciendo quod præcipitur. De qua divisione Augustinus I. de perfecta just. c. 3. *Duo bus* (inquit) modis constat omne peccatum, si aut fiant illa quæ prohibentur, aut illa non fiant quæ jubentur.

5. D. Hieronymus in Ezech. 18. peccatum dividit in peccatum cordis, oris, & operis. Cum enim peccatum sit dictum, factum, vel concupitum contra legem æternam, dictum contra legem æternam est peccatum oris; factum, est peccatum operis; concupitum, est peccatum cordis.

6. in peccatum in Deum, in proximum, & in seipsum. Quamvis enim omne peccatum aliquo modo sit contra Deum, quatenus offendit ipsum; & contra peccantem, quatenus ipsi nocet: specialiter tamen aliqua sunt, quæ contrariantur virtuti regulanti hominem ad Deum, & ad ea quæ Dei sunt; qualia sunt illa, quæ Deo detrahunt debitum amor & reverentiam, ut odium Dei, sacrilegium, &c. Alia quæ contrariantur virtuti regulanti hominem ad seipsum, vel regulanti passiones ipsius, secundum rationis ordinem, ut avaritia, luxuria, gula, &c. Alia denique, quæ contrariantur virtuti regulanti hominem ad proximum suum; qualia sunt, quæ lèdunt jus proximi, vel humanam societatem offendunt, &c.

7. D. Gregorius 31. Moral. peccata dividit in carnalia, & spiritualia. Carnalia variè accipiuntur. Primo latè, pro quibuscumque peccatis procedentibus ex sensu: quomodo Galat. 1. inter opera carnis computantur iræ, rixæ, dissensiones, &c. Secundo strictè, pro quibuscumque peccatis veritatis circa materiam externam & corporalem: quomodo Ephel. 5. avaritia numeratur inter peccata carnalia. Tertio strictissime, quatenus carnalia distinguuntur contra spiritualia: iuxta quam actionem carnalia sunt, quæ carnalem delectationem habent pro objecto, consummantur in carne, ut luxuria & gula. Spiritualia in delectatione spirituali, sive in animo consummantur, ut superbia & inanis gloria.

8. in peccatum proprium & alienum. Proprium est, quod ab ipso peccante committitur. Alienum, quod ab alio commisum nobis imputatur. Quod quidem pluribus modis contingit, qui sunt *irratio*, *confusum*, *consensus*, *palpo*, *recursus*, *participans*, *minus*, *non obstantis*, *non manifestans*. Quos modos alibi explicabimus.

9. denique in peccatum ex infirmitate, ex ignorantia, ex malitia. Peccata ex infirmitate sunt, quæ committuntur ex gravi aliqua